

# NO STÀ VENDI ANCJE LA ROBE DI CHEÂTRIS

A chelâtri siôr M.

M., te ti cognossevi in mò prime e no mi spietâvi nuje di plui nè di miôr di ce ch'al è sucedût.

O podares ancje dâti un laut parceche tu rivis adore, cui soliz sistemis di sinpri, di puartâte fûr ogni volte, ma par un furlan nol sares un biel laut. Par un ch'al à cjàpât sù duc' i vissis, dai puliticanz, si, ma par un furlan no. Par chel mi ven il scrupul che nè tu nè la Trimurti che tu sês dentri, no setis furlans.

O intint furlans tal resonâ, tal capî lis robis, tal puartâlis indenant, te cussiense. O saveis dome fevelâ par furlan, cuanche us torne cont è cuanch'ò scugnîs, e ancjmò un furlan intalianât. Par solit, o doprais la lenghe dai parons. E ancje la teolighe, la fufigne, il berdei, il rinpin, il cavîl, il troi. O veis cjàpât sù dutis lis pecjs dai talians tal comedâ butant la cragne sot de credince, ancje se dopo e puce. Dome che lôr a san fâ chest mistîr miei di vuâtris.

Si seis presentâz a chestis votazions cun tuner grandissime responsabilitât: o veis di «gjestî» (viodeiso che par furlan nancje no esist cheste peraule, ma par vuâtris sî) 38.000 vòts.

Ungrum, massimamentri tignint cont di trop che ju veis sudâz. Ma no avonde, se si seis rindûz `e Union, cun tant ch'ò eris contraris, scomencant dal gnûf pressident. Le veis scugnude gloti ma no si fasîn inlusions.

O savin che jè une Union fate di gnot; par chel us tignarin di voli. No seis popolârs, parceche il prin vuestri scrupul al è chel di sei di çanpe e «progressisc'», ancje se la nestre int no va mate par schieramenz talians. S'ò sintîs a fevelâ di Austrie e di Baviere, po', Diu nus vuardi e la Madone benedete. A son di gjestre, no si à di dîur nancje bundì. Tirâ i bêz e sotetâsi tes lor cjasis, sî, ma no vêju indiment par mai. E cussî, se l'Italie e à metude une stangje par disore, vuâtris, ch'ò diseis di sei pal Friûl, o veis la stangje ancje in tal cjâf, ripetint a panpagal vie, la solite sflocje de republiche «democratiche e antifassiste, çanpine e progressiste» e bla ... bia ... bla ...

Ma i 38.000 vâts, dontri sono saltâz fûr? Duc' de çanpe? Duc' dai antifassic' e de «resistense»? No à votât tante buine int che crôt ancjmò in tal Friûl, tun Friûl furlan, ch'al domande dome di sei lassât a lavorâ in pâs, in buine armonie cun duc' e di podê gjoldi i siei

sudôrs cence scugnî viòdissai roseâz dai bassarûi, e no incasinât in tai gredeis dal urtiâr talian?

CHESTE INT NO US A VOTÂZ PAL LAVÔR CH'Û VEIS FAT E NANCJE PAI CONGRES FAZ SU LA CJARTE E NANCJE PES IDEIS SPARNIZADIS MIDIANTE DAI VUESTRIS BOLETÏNS, CHE NO SALTIN NANCJE FÛR PERÒ O VOLEVIS RAFÀ ANCJE CHEÂTRIS.

La biade int e à votât parceche la idèe di un Friûl in muviment viers de autonomie, de libertât, de dignitât e ancje par un tornecont, ur lave e ur va. Al è par cheste idèe che sconbat int di ogni fate, ancje predis, ancje «nostalgjcs». Al è par cheste idèe juste che ancje cheste volte o voti e o disarai di vota. Par une Union Popolâr Furlane ch'a puedi, la prossime volte, presentâsi cu la so muse, un ninìn dispatussade, plui clare e soredut cun tune cussiese plui grande de nestre furlanetât. Ma sun chest si sintarìn ancjmò.

Mandi.

Mai 1979

Pre Antoni Beline